



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransenis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

Tabella Canonicis accommodata ad preces horarias deuotè concinendas.

urn:nbn:de:hbz:466:1-14108

d. quest. 2. num. 12. Lessi. d. cap. 34. num. 185. Squillante d. p. 1. num. 61. in fine. Oliuer. Bonart. d. lib. 2. cap. 23. num. 13. Paul. Layman. d. num. 6. vers. dico secundo. Antonin. Diana d. resolut. 6. in fine. Sebast. Casar. d. §. 1. numer. 11. Barthol. à S. Fausto de horis Canon. lib. 3. quest. 14. Marchin. de sacram. Ordinis part. 6. tract. 2. cap. 9. disse. 7.

¶ Vestitu in super decenti, &c.] Iubet clericos beneficiatos Ecclesiarum Cathedralium vti vestitu decenti tam in Ecclesia, quam extra illam, ad maiorem suae dignitatis splendorem, refert Stephan. Vveymys ad constitutiones 24. ex antiquo iure desumptas, & per Concil. Trid. in nouatarij, const. 8. num. 14. vers. quod tamen, pag. 76. in fine.

Monitiones S. Caroli Borromæi ad Canonicos.

Vos, qui in cathedrali Ecclesia Dignitates obtinetis, Canonici item tum eiusdem Ecclesiae, tum reliquarum quarumvis Ecclesiarum collegiatarum, vel vrbana- rum, vel dicecesanarum, quicumque sitis in omni Canonica disciplina officio, ita agite vt canonicè, nempe Canonum legibus ad vtraque vestrae institutum pertinentibus, & constitutionum Prouincialium, Dicecesanarumque ratione congruenter viuatis, idque primo maxime stude- dete, vt in conspectu Dei omnipotentis puro corde, & casto corpore ministretis.

Tum singuli vos Ordinis dignitati, aut Canonicatui annexi functiones explete, Canoniceque muneris partes praestate, omnes in choro statis horis assistite, & ad Deum pro fidelibus pijs, religiosisque fundite preces.

Dum eo loco estis, memores estote adesse Christum Ie- sum Dominum, cui seruite cum timore, & tremore.

Non pigri, non somnolenti, non oscitantes adestote, non mente vaga, non vagis oculis, non indecenti corporis statu.

Attendite, studiosè, ritè, piè, religiosè diuinas laudes concelebrate, & psallite Deo in conspectu Angelorum, cantantes in cordibus vestris Domino.

In choro nemo priuatim, nemo tacitè officium recitet, sed omnes pariter quicumque adestis, senes cù iunioribus, laudate nomen Domini in Psalmis, Hymnis, & Canticis.

A quibuscumque colloquijs, & à litterarum, ac libro- rum lectionibus, atque omni vagatione abstinete.

Pro temporis autem, & officij ratione sedete, stete, genua flectite, caput aperite, & inclinate.

Accuratè demum omnia obseruate, quae eo de genere vobis praescripta sunt, ita vt vestro exemplo alijs Sacerdotibus, Clericisque & rectè, ritèque psallendi, & sanctè orandi, & piè agendi animum addatis.

In Psalmorum autem, Canticorum, & Hymnorum intelligentiam studiosè incumbite, vt dum psallitis pro sensuum sanctissimorum, quos mente concepistis, ratio- ne, vos ad omnes pietatis, deuotionisque effectus excitetis.

Non ordinariè distributionum lucro adducti, sed Dei charitate, Religionisque cultu commoti, diuinis Officijs adestote, vt verè ex animoque Psalmi verba illa concinnatis: Voluntariè sacrificabo tibi, & confitebor nomi- ni tuo Domine, quoniam bonum est.

Diuinis officijs absolutis paululum omnes in choro piè orate, inde obeundi signo per Praefectum dato con- surgentes, quo ordine ad chorum accessistis, eodem in sacristiam redite, vbi cappas, qui illis induti estis, & super- pellicea sine strepitu vlllo, & susurratione deponite.

Canonicales vestros conuentus statis hebdomadae diebus capitulariter habete.

Omnes qui debetis ad illos conuenite.

Inde ne discedite nisi missione à Capituli praefecto impetrata.

Singuli ordine, & loco sedere.

Sententiam modestè dicite, & suo quisque loco, non preposterè.

A verbis scurrilibus abstinete.

In reb^o cōsultadis rixas, iurgia, & cōtumelias caute,

In initio & sine vniuscuiusque Capituli stas orationes dicite.

Priori loco tractanda proponite, quae ad diuinum cultum, ad spirituales vitae progressus, ad ecclesiasticam disciplinam tuendam, tum quae ad rerum temporalium gubernationem pertinent, ne negligite.

Cetera hoc de genere toto seruate quae Prouinciali- bus constitutionibus praescripta sunt.

Omnia in primis agite pace mutua, concordia volun- tate, & charitate fraterna vos inuicem diligite; Cano- nici enim estis, qui pro Collegij ratione ex antiquo institu- to vna in collegiata Ecclesia, vnaq; item in Canonicali domicilio collocati fuistis, ita vno pacis, & charitatis federe, vnaq; animorū consensione coniunctissimi, sicut nascentis Ecclesiae ministri, quorum erat cor vnum, & anima vna, experièdo videte, sicut in Psalmo scriptum est, Quam bonum, & quam incundū sit habitare fratres in vnu. Haec tamen monitiones S. Caroli ad Canonicos.

Tabella Canonicis accommodata ad preces horarias deuotè concinendas.

Ante Horas.

Horarum canonicarum institutio ad Dei laudem, & gratiarum actionem primū omnium recolenda.

Quae septeno Horarum numero mysticè designantur, breuiter cogitanda.

Rerum inanium cura, & omnium negotiorum solici- tudo relinquenda.

Postulandum à Deo vt attendè, deuotè, ac studiosè laudetur.

Frequens consideratio Canonicae vocationis vt vo- cibus modularè cōpositis mens bene instructa respōdeat.

Cordis munditia studendum vt puris verborum lau- dibus diuina Maiestas concelebratur.

Hierarchiae Angelorum diuinas laudes in caelo pro- clamantium mentis oculis proponenda.

Humili prece Sanctorum patrocinium implorā- dum, illius praesertim, cuius Officium recitare coninget.

Nunquam Officium inchoandum nisi collectis sensi- bus, ac prauiam mentis eleuatione ad Deum.

Cauendum à verbis inutilibus, risu, iocis, eo maxime tempore, quo itur, vel paulo post eundem est in chorum.

In ipsis Horis.

Nouerit Canonicus se in sortem Domini vt diuini laudibus publico nomine vacet.

Angelici huius ministerij Officio se inuicem Angelorum choros versari contempletur.

Diuina praesentiam Maiestatis psallendo reuerenter adoret.

Attentionem in singulis verbis adhibeat, quam fre- quenter excitabit, Dei, quem alloquitur, recordatione.

Quae distrahunt importuna cogitationes sensim, ac le- uiter repellendo comemnat.

Quoties mentem alio diuertisse aduerterit, toties eam statim

Statim colligendo dirigat ad Deum.

Corpus modeste, ac decore componat, oculos praesertim custodiat, ut sint debite attentionis ministri.

Si quod verbum dicere, vel respondere oportebit, id cito, ac breuiter expediat.

Qua recitat, aut canit, ex libro sibi parato, non ex memoria depromat.

Offerat Deo pro se ipso attentionem, & deuotionem tot sanctorum hominum in Canonicis precibus exoluentis.

Post Horas.

Deo gratias referat, quod accessum habuerit ad eius laudes, & colloquia.

Petatur humiliter veniam errorum, quos in hac diuina functione commisit.

Lingua velut instrumentum Deo dicatum caute custodiat.

Cordis affectiones ita componat ut externa consonent verborum modulationi.

Moribus, ac vita Deum perfecte laudare conetur.

Superfluis rerum curis ne implicetur ut molestos cogitationum tumultus euitet.

Quae verba in psalmodia sibi magis fructuosa gustarit, ea diutius conseruet.

Harmonia rerum creaturarum sincero, ac fidei earum usu omni tempore concinat.

Ad supernum Beatorum chororum aspiret, qui in diuinis praeconijs perpetuo exultant.

Mysteria Passionis Christi Domini, quibus hora canonice respondent, memoria sepe retrahat. Haec tenus tabella.

Cathedrales tenues Summus Pontif. vnit, aut accessione ex fructibus auget. Interea certo modo provideatur Episcopo. Parochiales, sed tenues Ecclesiae sunt augenda. Pensionibus beneficia tenuia grauari minimè conuenit. Parochias suas singulas singuli parochiani frequentent.

C A P V T XIII.

- 1 Doctores de materia cap. agentes.
- 2 Vnio alicuius partis fructuum parochialium est prohibita.
- 3 Parochialis Ecclesia vniri non potest Capitulo Cathedralis etiam ob tenuitatem Canonicatum.
- 4 Habet locum quando vere est Ecclesia parochialis.
- 5 Parochiarum duarum possessor non est molestandus quando vni solum collata sine dispensatione fuerunt per 40. annos.
- 6 Episcopus potest curam animarum toti Capitulo Cathedralis Ecclesiae incumbentem transferre.
- 7 Parochia, quae certos fines non habent non comprehenduntur sub hoc decreto.
- 8 Parochialium exiguitati quomodo prouidendum.
- 9 Parochiales monasterijs non vniente.
- 10 Parochiales habitu tantum possunt monasterijs vniri.
- 11 Vniones parochialium, quae fiunt pro fundatione, dotatione Collegiorum, &c. saluantur.
- 12 Ecclesiae Cathedrales, quarum redditus ad summam ducatorum mille non excedunt, nullis pensionibus, aut reservationibus fructuum grauari debent.
- 13 Pensio non imponitur super parochiali resignata, si valor illius non excedit centum ducatos.
- 14 Valor centum ducatorum, quae manere debent Rectori parochialis, intelligendum est iuxta morem vniuscuiusque regionis.
- 15 Claus. Dummodo remaneant centum pro Rectore, quomodo iustificanda.
- 16 Congrua portio assignanda parochio censetur summa scutorum centum.

Quoniam pleraque Cathedrales Ecclesiae tam tenuis redditus sunt, & angustae, vt Episcopali dignitati nullo modo respondeant, neque Ecclesiarum necessitati sufficiant: examinet Concilium prouinciale, vocatis ijs, quorum interest, & diligenter expendat, quas propter angustias, tenuitatemque inuicem vnire, vel nouis prouentibus augere expediat, confectaque de praemissis instrumenta ad summum Romanum Pontificem mittat: quibus instructus summus Pontifex ex prudentia sua, prout expedire indicauerit, aut tenues inuicem vniat, aut aliqua accessione ex fructibus auget. Interim vero, donec praedicta effectum sortiantur, huiusmodi Episcopis, qui fructuum subuentione pro dioecesis suae tenuitate indigent: poterit de beneficijs aliquibus, dum tamen curata non sint, nec dignitate, seu canonicatus, & praebendae, nec monasteria, in quibus viget Regularis obseruantia, vel quae Capitulis generalibus, & certis Visitatoribus subduntur, a summo Romano Pontifice prouideri. In Parochialibus etiam Ecclesijs, quarum fructus aequae adeo exigui sunt, vt debitis nequeant oneribus satisfacere: curabit Episcopus, si per beneficiorum unionem, non tamen regularium, id fieri non possit, vt primatiarum vel decimarum assignatione, aut per parochianorum symbola, ac collectas, aut qua commodiori ei videbitur ratione, tantum redigatur, quod pro Rectoris, aut parochiae necessitate deceter sufficiat. In unionibus vero quibuslibet, seu ex supradictis, seu alijs causis faciendis, Ecclesiae parochiales, monasterijs quibuscumque, aut Abbatijs, seu dignitatibus, siue praebendis Ecclesiae Cathedralis, vel Collegiatae, siue alijs beneficijs simplicibus, aut hospitalibus, militijsve non vniantur, & quae vnitae sunt, reuideantur ab Ordinarijs, iuxta alias decretum in eadem Synodo sub sel. rec. Paulo III. quod etiam in vnitis ab eo tempore citra aequae obseruetur: non obstantibus in ijs quibuscumque verborum formis, quae hic pro sufficienter expressis habeantur. Ad haec in posterum, omnes haec Cathedrales Ecclesiae, quarum redditus summam ducatorum mille, & Parochiales, quae summam ducatorum centum, secundum verum annum valorem non excedunt, nullis pensionibus, aut reservationibus fructuum grauentur. In ijs quoque ciuitatibus, ac locis, vbi Parochia-

Sup. sess. 7. de reformat. cap. 6. & 7. de sess. 14. de reformat. cap. 9. & infr. c. 5. de vnio. 10. q. 3. c. & de repositio. seq. 19. q. 4.

Sess. 7. c. 6. de reformat. c. 6.